



16. juni 2016

Inatsisartut Suleriaasianni § 37 naapertorlugu Naalackersuisunut apeqqut imaattoq matumuuna saqqummiuppara:

**Anstal-it pillugit Naalackersuisunut apeqquteqaat:**

**1. Nuummi anstalt-issaq ammarneqariarpat sinerissami anstalt-ini matusoqarniarpa, taamaattoqassappallu sorliit?**

**2. Naalackersuisut qanoq naliliippat anstalt-it ammasut qanoq amerlatigisut pisariaqartinneqarnersut inissaqarniarneq eqqarsaatigalugu, aammalu Naalackersuisut qanoq qulakkeerinninniarpat inissaqarniarneq ataavartinniarlugu? Akissuteqaat ukiuni qulini nalunaarsuinerit aallaavigalugit akineqarnissaa piumasarineqarpoq.**

**3. Naalackersuisut naatsorsuutiginerlugu Nuummi anstalt-issami inissat 40-sut pisariaqartitsineq tamakkerneraat, aammalu 40-nit amerlanerusunik pisariaqartitsisoqassappat qanoq ilioriarnissamik piareersimanerlutik? Akissuteqaat ukiuni qulini nalunaarsuinerit aallaavigalugit akineqarnissaa piumasarineqarpoq.**

**4. Naalackersuisut qanoq eqqarsaatersuuteqarfigaat kalaallit Herstedvester-mi inissitat angerlarlutik pillaatissinneqarnertik atorniannngikkaat?**

(Inatsisartunut ilaasortaq Tillie Martinussen, Demokraatit)

**Tunngavilersuut**

Kalaallit Nunaanni anstalt-it ullumikkut 164-nik inissaqartitsippat piffinnut 66-nut agguataarsimallutik, Nuummi anstalt-i 30-nik inissalik aammalu Sisimiuni pensioni arfineq sisamanik inissalik, Ilulissanilu anstalt-i 29-nik inissalik taavalu anstalt-i Aasianni aammalu Tasiilami 15-nik inissalik Qaqortumilu anstalt-i qulinik inissalik.

Taamaasillunimi ataatsimut isigigaanni 174-nik inissaqarpoq.

Nuummi anstalt-issaq 76-nik inissaqarniarpoq taakunani 40-ut matoqqasuuniarlutik 36-llu ammasuullutik.

Nuummi maannakkut anstalt-mik sananeq apeqqutinik saqqummersitsivoq nunatsinni anstalt-nut inissanullu tunngasunik.

Taakku avataatigut paasissallugu soqutiginarpoq Naalackersuisut Herstedvesterimi inissitat angerlartinneqarsinnaaneranut. Tusagassiuutitigummi tusarneqallattaavoq kalaallit Herstedvesterimi inissitat Nuummut anstalt-issami angerlarlutik pillaatissinneqarnertik naammassiniannngikkaat.

Apeqqutit ullut qulit suliffiusut iluanni akineqarnissaat kissaatigineqarpoq.